



Bosnia and Herzegovina
Federation of Bosnia and Herzegovina
CANTON SARAJEVO
Cantonal Civil Protection Administration

Broj: 06-11-1210-15/23
Sarajevo, 25.12.2023. godine

Na osnovu čl. 69. stav (2) tačka d) i 70. st. (1), (4) i (6) Zakona o javnim nabavkama ("Službeni glasnik BiH" broj: 39/14 i 59/22), člana 8. stav (2) tačka d) Pravilnika o uspostavljanju i radu Komisije za nabavke ("Službeni glasnik BiH" broj: 103/14), na Preporuku Komisije za nabavku, broj: 06-11-1210-12/23 od 19.12.2023. godine, u postupku javne nabavke roba: „Vatrogasna oprema“ za LOT 1. – Vatrogasni opasači sa sjekiricom, direktor Kantonalne uprave civilne zaštite Kantona Sarajevo *donosi*

ODLUKU
o poništenju postupka javne nabavke

Član 1.

Poništava se postupak javne nabavke roba: „Vatrogasna oprema“ za LOT 1. – Vatrogasni opasači sa sjekiricom, u skladu sa članom 69. stav 2. tačka d) Zakona o javnim nabavkama ("Službeni glasnik BiH" broj: 39/14 i 59/22), obzirom da dostavljena ponuda nije prihvatljiva.

Član 2.

Za realizaciju ove odluke zadužuje se i ovlašćuje Komisija za javnu nabavku roba „Vatrogasna oprema“ i Sektor za materijalno-finansijske poslove Kantonalne uprave civilne zaštite Kantona Sarajevo.

Član 3.

Ova odluka će se objaviti, u skladu sa članom 70. stav (6) Zakona o javnim nabavkama, na web stranici Kantonalne uprave civilne zaštite Kantona Sarajevo (www.kucz.ks.gov.ba) i istovremeno će se uputiti ponuđaču koji je učestvovao u ovom postupku javne nabavke.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke, broj: 06-11-1210/23 od 22.09.2023. godine.

Predmetni postupak nabavke je proveden putem otvorenog postupka javne nabavke.

Procijenjena vrijednost javne nabavke roba: „Vatrogasna oprema“ za LOT 1. – Vatrogasni opasači sa sjekiricom je procijenjena do 36.300,00 KM (bez uključenog PDV-a).

Komisija za nabavku je imenovana Odlukom, broj: 06-11-1210-1/23 od 22.09.2023. godine.

Obavještenje o nabavci, broj: 282-1-1-112-3-50/23, objavljeno je dana 18.10.2023. godine na Portalu javnih nabavki, kao i tenderska dokumentacija. Ispravka Obavještenja o nabavci, broj: 282-1-1-112-8-58/23 objavljena je dana 11.12.2023. godine na Portalu javnih nabavki, kao i izmjene i dopuna tenderske dokumentacije.

U roku utvrđenom za prijem ponuda zaprimljena je jedna ponuda za LOT 1. – Vatrogasni opasači sa sjekiricom, a nije bilo ponuda zaprimljenih nakon isteka roka za prijem ponuda.

Na sjednici Komisije za nabavku održanoj dana 19.12.2023. godine, Komisija je izvršila pregled i ocjenu dostavljene ponude ponuđača FINANC d.o.o. Mostar, gdje je utvrdila da je dostavljena ponuda nepravilna, odnosno da nije u skladu sa tenderskom dokumentacijom, o čemu je sačinjen Zapisnik o pregledu i ocjeni ponuda, broj: 06-11-1210-11/23 od 19.12.2023. godine.

Naime, Komisija za nabavku je utvrdila da ponuđač FINANC d.o.o. Mostar nije dostavio sve certifikate za robu koji su traženi u Aneksu VII TD na način propisan tačkom 3.3. podtačka c) TD. Komisija za nabavku je pregledom dostavljenih certifikata zaključila da ponuđač nije dostavio certifikat naveden u Aneksu VII ove TD za karabiner sa sigurnosnim mehanizmom koji mora biti u skladu sa BAS EN 362:2006/A (identičan EN 362:2004) ili ekvivalent, čime nije ispunio uslov tražen navedenom tačkom TD, odnosno njegova ponuda je nepravilna. Nadalje, ponuđač nije dostavio certifikat za vatrogasnu sjekiricu koji je naveden u Aneksu VII ove TD, odnosno ponuđač za vatrogasnu sjekiricu nije dostavio traženi certifikat DIN 14924:2015 ili ekvivalent. Ponuđač je jedino na stranicama 41.-44. ponude dostavio certifikat za vatrogasni opasač, na kojem je naveden standard DIN 14927:2018 i DIN EN 358:2000. Uvidom u navedeni certifikat Komisija za nabavku je utvrdila da ovaj certifikat nije važeći, jer je na stranici 43. ponude (prijevod certifikata) navedeno da je ovaj EU certifikat o ispitivanju uzorka važeći do 20.11.2023. godine. S tim u vezi, Komisija je istraživala navedene standarde putem pretraživača, gdje je utvrđeno da je standard DIN EN 358:2000 povučen i da je zamijenjen sa standardom DIN EN 358:2019. Navedeno je potvrdio i ponuđač u svojoj izjavi na stranici 40. ponude, gdje je naveo da vatrogasni opasač proizvođača SITEX GmbH u cjelosti odgovara zahtjevu ugovornog organa i da zadovoljava norme: DIN EN 358:2019. Također, Komisija za nabavku je utvrdila da je na dostavljenom prijevodu certifikata za vatrogasnu sjekiricu navedeno: „za ovu ušicu je spojena uzica duljine 770 mm (uključujući spojnicu i karabinjer)“. Naime, u Aneksu VII je traženo da vatrogasni radni opasač mora biti dužine minimalno 800 mm, čime i ovaj zahtjev iz TD ponuđač nije ispunio.

S tim u vezi, Komisija za nabavku dostavila je direktoru Kantonalne uprave civilne zaštite dana 25.12.2023. godine Preporuku o poništenju postupka, broj: 06-11-1210-12/23 od 19.12.2023. godine i Izvještaj o provedenom postupku javne nabavke, broj: 06-11-1210-13/23 od 19.12.2023. godine.

Na osnovu dostavljenog Izvještaja o provedenom postupku javne nabavke roba: „Vatrogasna oprema“ za LOT 1. – Vatrogasni opasači sa sjekiricom, utvrđeno je da u predmetnom postupku javne nabavke roba dostavljena ponuda ponuđača FINANC d.o.o. Mostar nije prihvatljiva, čime su se stekli uslovi za poništenje postupka javne nabavke.

Direktor Kantonalne uprave civilne zaštite Kantona Sarajevo nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavku.

Naime, u postupku je ocijenjeno da je Komisija za nabavku u svemu pravilno postupila, te da je Preporuka o poništenju postupka javne nabavke data u skladu sa odredbama Zakona o javnim nabavkama, podzakonskim i općim aktima.

Shodno navedenom, primjenom člana 69. stav (2) tačka d), člana 70. stav (1), (4) i (6) Zakona o javnim nabavkama, te člana 8. stav (2) tačka d) Pravilnika o uspostavljanju i radu Komisije za nabavke, odlučeno je kao u dispozitivu ove odluke.

Pouka o pravnom lijeku:

Protiv ove odluke može se izjaviti žalba najkasnije u roku od 10 (deset) dana od dana prijema ove odluke. Žalba se izjavljuje Uredu za razmatranje žalbi Bosne i Hercegovine, putem ugovornog organa, kao prvostepenog organa i to na način propisan odredbama člana 99. Zakona o javnim nabavkama. Ugovorni organ će postupati po žalbi na način propisan odredbama člana 100. Zakona o javnim nabavkama.

Dostaviti:

1. Sektoru za materijalno-finansijske poslove KUCZ KS,
2. FINANC d.o.o. Mostar,
3. www.kucz.ks.gov.ba,
4. a/a.



